

Saksprotokoll i fylkesutvalet - 22.09.2016

Saksordfører **Alexander Fosse Andersen (Sp)** gjekk gjennom bakgrunnen for og prosessen med planen.

Terje Søviknes (Frp) sette på vegner av Frp, H, V, og MDG fram slikt forslag:

«(a) Alternativt framlegg i høve fylkesrådmannen sin innstilling;

Hordaland fylkeskommune er i forhandlingar med Rogaland fylkeskommune og Sogn og Fjordane fylkeskommune om etablering av ein ny Vestlandsregion. Endar dette med etablering av ein ny region, må den nye skulebruksplanen for Hordaland sjåast i samanheng med skulestrukturen i heile den nye regionen. Spesielt gjeld dette skulane som ligg nærast dagens fylkesgrenser, Austrheim vgs og Etne vgs.

Fylkestinget står opp om ein skulestruktur som byggjer opp under målsettinga om kvalitet og redusert fråfall i den vidaregåande skulen i Hordaland.

Fylkestinget vil på noverande tidspunkt gå inn for 0-alternativet i høyringsforslaget (gjeldande skulebruksplan) med følgjande presiseringar/endingar;

Region Bergen sentrum

Bergen Maritime vgs vert oppretthalden for å sikra det samla fagmiljøet og samspel mellom fagskuletilbodet og vidaregåande utdanning innan maritime fag. Dimensjoneringa for Fagskulen på Nedre Nygård vert vurdert på nytt for å sikra nok areal til både den samanslåtte fagskulen og vidaregåande skule. Alternativt kan fagskulen organiserast med to avdelingar med ulik lokalisering.

Studiespesialiserande (ST) på Årstad vert lagt ned (samla reduksjon 180 plassar).

Region Bergen vest

Studieførebuande tilbod ved Laksevåg vgs vert redusert til 90 plassar PB og 180 plassar ST (samla reduksjon 180 plassar).

Samla dimensjonering av skuletilbodet i Region Bergen vest må sjåast i samanheng med framtidig dimensjonering av skuletilbodet på Askøy og Sotra.

Olsvikåsen vgs vert oppretthalden.

Bergen Nord

Restaurant og Matfag (RM) vert oppretthalden på Åsane vgs.

Region Nordhordland

Pga store avstandar ynskjer fylkestinget to vidaregåande skular i Nordhordland.

Austrheim vgs vert difor oppretthalden, og det vert gjort naudsunnt opprusting av skulen slik at den fyller krav til helsegodkjenning. Endelig vedtak om investering i ny skule vert gjort når det ligg føre avklaring om ei framtidig regionreform. Det vert lagt til rette for god dialog med det lokale næringslivet i høve til nyinvesteringar, og for å prøva ut nye undervisningsformer der meir av den praktiske undervisninga vert gjort ute i verksemdene.

Studietilbodet ved Knarvik vgs vert tilpassa søkjarar og elevtalsutvikling. Det vert investert i nytt bygg ved Juvikstølen i 2026.

Region Sunnhordland

Skuletilbodet på Bømlo vert samla i ein vidaregåande skule, - lokalisert til Bømlo vgs eller Rubbestadneset vgs. Lokalisering av den «nye» skulen vert å koma tilbake til etter ei grundig vurdering av dei ulike føremoner og ulemper ved dei to ulike alternativa. Kommune og lokalt næringsliv vert invitert med i ei slik vurdering.

Fagtilbodet og dimensjoneringa av den nye skulen skal vera på minst same nivå som dei to noverande skulane har i dag.

Fitjar vgs vert oppretthalden.

Region Etne/Sveio

Skuletilbodet i Etne og Ølen slåast saman i ein skule, men Etne oppretthaldast som studiestad inntil vidare.»

Eigne framlegg – Region Voss

FrP/H fremjar følgjande forslag;

(b) Region Voss

-Hjeltnes vgs blir lagt ned. Anleggsgartnar og idrettsanleggsfag (NA) og blomsterdekoratør (DH) vert lagt til Stend vgs.

V/MDG fremjar følgjande forslag;

(c) Region Voss

-Hjeltnes vgs blir lagt ned. Anleggsgartnar og idrettsanleggsfag (NA) og blomsterdekoratør (DH) vert lagt til Voss i tråd med rådmannens innstilling.»

Roald Kvamme (A) sette på vegner av A, Sp, SV og KrF fram slikt forslag:

«Fylkesrådmannen sitt alternativ 2 vert lagt til grunn med desse endringane:

Nordhordland

- Austrheim vidaregåande vert oppretthalden. Det vert gjort naudsunt opprusting av skulen slik at den fyller krav til helsegodkjenning.
- Endelig vedtak om investering i ny skule vert gjort når det føreligg avklaring om ei framtidig regionreform.
- Det vert lagt til rette for god dialog med det lokale næringslivet i høve til nyinvesteringar og for å prøva ut nye undervisningsformer der meir av den praktiske undervisninga vert gjort ute i verksemdene.
- Studietilbodet ved Knarvik vert tilpassa søkjarar og elevtalsutvikling. Det vert investert i nytt bygg ved Juvikstølen i 2026.

Sunnhordland

- Bømlo og Rubbestadneset VGS vert slått saman til ein skule og skal heita Bømlo VGS.
- Skulen vert samlokalisert på Bremnes og kommune og næringsliv vert invitert med i prosessen med utviding av skulearealet for den nye skulen.

- Dimensjonering og studietilbod ved den nye skulen skal sikra eit fullverdig tilbod i høve til det ein har i dag og sjåast i samanheng med det øvrige tilbodet i regionen og på sikt vurdera nytt utdanningstilbod innan havbruk. Det skal vera tilbod innan yrkesfaga TIP og EL på skulen.
- Det vert utgreidd eit pilotprosjekt ved skulen som skal styrkja samarbeidet mellom næringsliv og skule slik at m.a. opplæring som krev kostbare investeringar i verkstadar og bygg innan yrkesfag kan gjennomførast ute i bedrift.
- Fitjar VGS vert vidareført. Programfag for påbygg vert vurdert flytta til Stord VGS for å utnytte ledig kapasitet, og leigeavtalen skulen har for tilleggsareal vert avvikla.

Etne

- Etne VGS og Ølen VGS vert slått saman til ein skule og lokalisert ved dagens Ølen VGS. Det vert etablert eit prosjekt for samanslåingsprosessen med representantar frå begge fylkeskommunane.
- Hordaland fylkeskommune føreset at elevane ved Etne VGS får fullført påbegynte utdanningsprogram ved den samanslåtte skulen. Vidare føreset ein at programfaga Etne VGS har i dag vert overført til den samanslåtte skulen.
- Dei tilsette ved Etne vgs må få tilbod om vidare tilsetjing ved Ølen vgs så langt det er råd, eller overføring til andre fylkeskommunale skular.

Ulvik

- Fylkeskommunen skal medverka til at det kjem på plass ei løysing med ny aktivitet i lokala til Hjeltnes VGS.

Bergen Vest

- Olsvikåsen VGS vert vidareført. Studietilbodet Laksevåg VGS vert vurdert på ny med den målsetting å få til ei løysing med tilbod om studieførebuande programfag.
- Dimensjonering av elevtal og programfag i Bergen Vest skal sjåast i samanheng med tilbod og investeringar i Region Sotra og Region Askøy.

Kvam

- Det vert innleia samtalar med Kvam kommune for å sikra ny tomt til den vidaregåande skulen sentralt plassert i Norheimsund.»

Pål Kårbø (KrF) sette på vegner av KrF fram slikt oversendingsforslag til fylkesrådmannen:

«Fylkesrådmannen vert beden om å laga eit notat som syner den økonomiske effekten av dei to framlegga i fylkesutvalet vedkomande skulebruksplanen.»

Røysting

Fylkesrådmannen sitt forslag fekk ingen røyster og fall.

Søviknes sitt forslag (a) fekk 7 røyster (Frp, H, V, MDG) og fall.

V og MDG sitt forslag (c) fekk 10 røyster (V, MDG, SV, KrF, Sp, A) og vart vedteke som innstilling til fylkestinget.

Frp og H sitt forslag (b) fekk 5 røyster (Frp, H) og fall.

Kvamme sitt forslag fekk 8 røyster (A, Sp, KrF, SV) og vart vedteke som innstilling til fylkestinget.

Kårbø sitt forslag vart samrøystes vedteke oversendt på vegner av forslagsstillaren utan realitetsbehandling.

Innstilling til fylkestinget

Fylkesrådmannen sitt alternativ 2 vert lagt til grunn med desse endringane.

Nordhordland

- Austheim vidaregåande vert oppretthalden. Det vert gjort naudsunt opprusting av skulen slik at den fyller krav til helsegodkjenning.
- Endelig vedtak om investering i ny skule vert gjort når det føreligg avklaring om ei framtidig regionreform.
- Det vert lagt til rette for god dialog med det lokale næringslivet i høve til nyinvesteringar og for å prøva ut nye undervisningsformer der meir av den praktiske undervisninga vert gjort ute i verksemdene.
- Studietilbodet ved Knarvik vert tilpassa søkjarar og elevtalsutvikling. Det vert investert i nytt bygg ved Juvikstølen i 2026.

Sunnhordland

- Bømlo og Rubbestadneset VGS vert slått saman til ein skule og skal heita Bømlo VGS.
- Skulen vert samlokalisert på Bremnes og kommune og næringsliv vert invitert med i prosessen med utviding av skulearealet for den nye skulen.
- Dimensjonering og studietilbod ved den nye skulen skal sikra eit fullverdig tilbod i høve til det ein har i dag og sjåast i samheng med det øvrige tilbodet i regionen og på sikt vurdera nytt utdanningstilbod innan havbruk. Det skal vera tilbod innan yrkesfaga TIP og EL på skulen.
- Det vert utgreidd eit pilotprosjekt ved skulen som skal styrkja samarbeidet mellom næringsliv og skule slik at m.a. opplæring som krev kostbare investeringar i verkstadar og bygg innan yrkesfag kan gjennomførast ute i bedrift.
- Fitjar VGS vert vidareført. Programfag for påbygg vert vurdert flytta til Stord VGS for å utnytta ledig kapasitet, og leigeavtalen skulen har for tilleggsareal vert avvikla.

Etne

- Etne VGS og Ølen VGS vert slått saman til ein skule og lokalisert ved dagens Ølen VGS. Det vert etablert eit prosjekt for samanslåingsprosessen med representantar frå begge fylkeskommunane.
- Hordaland fylkeskommune føreset at elevane ved Etne VGS får fullført påbegynte utdanningsprogram ved den samanslåtte skulen. Vidare føreset ein at programfaga Etne VGS har i dag vert overført til den samanslåtte skulen.
- Dei tilsette ved Etne vgs må få tilbod om vidare tilsetjing ved Ølen vgs så langt det er råd, eller overføring til andre fylkeskommunale skular.

Ulvik

- Fylkeskommunen skal medverka til at det kjem på plass ei løysing med ny aktivitet i lokala til Hjeltnes VGS.

Bergen Vest

- Olsvikåsen VGS vert vidareført. Studietilbodet Laksevåg VGS vert vurdert på ny med den målsetting å få til ei løysing med tilbod om studieførebuande programfag.
- Dimensjonering av elevtal og programfag i Bergen Vest skal sjåast i samheng med tilbod og investeringar i Region Sotra og Region Askøy.

Kvam

- Det vert innleia samtalar med Kvam kommune for å sikra ny tomt til den vidaregåande skulen sentralt plassert i Norheimsund.

Region Voss

- Hjeltnes vgs blir lagt ned. Anleggsgartnar og idrettsanleggsfag (NA) og blomsterdekoratør (DH) vert lagt til Voss i tråd med rådmannens innstilling.